



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XLIII. Declaratio quod Cistercienses absque scrupulo conscientiæ possint
vesci carnibus intra, & extra septa Monasterii, cum non sit de substantia
Regulæ.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

XLI.

Prohibitio extrahendi libros, & quæcumque alia ex Bibliotheca Conventus S. Martini Eremitarum S. Augustini Civitatis Senen.

Consimiles prohibitiones aliorum Summorum Pontificum pro Conservazione Bibliothecarum invenies in Repertorio verb. Bibliotheca.

ALEXANDER PAPA VII.

Ad perpetuam rei memoriam.

Edita An. D. 1657.

Supplicatio.

Cum sicut Ven. Fr. Ambrosius Episcopus Porphyriensis. Sacrorum Nostri Apostolici Præfectus Nobis nuper exponi fecit, ipse, qui habitum per Fratres Ordinis Eremitarum S. Augustini gestari solitam alias suscepit, & professionem per eodem emitti consuetam expressè emisit regulares tempore, quo in Conventu S. Martini Civitatis Senen. ejusdem Ordinis debebat, nedum ad usum, & commodum dicti Ordinis professorum, sed etiam concivium suorum Senensium unam insignem Bibliothecam copiosa multitudine librorum, picturarum, numismatum, seu monetarum ex auro, argento, & metallo, & altarum antiquitatum refertam congesserit, vereatur autem ne tractu temporis ex Bibliotheca hujusmodi aliqua subtrahantur.

Absolvit Oratorem à censuris.

§. 1. Idcirco Nos conservacioni, & mantentioni librorum, aliarumque rerum dictæ Bibliothecæ opportunè prospicere, ipsumque Ambrosium Episcopum specialis gratiæ favore prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati.

§. 2. Universis & singulis personis Ecclesiasticis tam secularibus, quam Regularibus, ac etiam Laicis cujuscumque status, gradus, ordinis, & conditionis existentibus ne perpetuis futuris temporibus sub quovis prætextu, causa, vel ingenio per se, vel alium, seu alios è prædicta Bibliotheca Libros, sive typis editos, sive manuscriptos, necnon picturas, & antiquitates hujusmodi in eadem Bibliotheca nunc, & pro tempore existentes extrahere, asportare, & tollere, seu extrahi, asportari, & tolli facere, aut ut extrahantur permittere quoquomodo audeant, seu præsumant, sub excommunicationis lætæ sententiæ à qua nemo nisi à Nobis, & Romanis Pontificibus Successoribus Nostri, præterquam in mortis articulo constitutus absolvi possit, & insuper quoad Regulares etiam privationis vocis activæ, & passivæ eo ipso absque alia declaratione incurren. pœnis Apostolica auctoritate tenore præsentium interdicimus, & prohibemus. Necnon prædicto Ambrosio Episcopo quoad vixerit aliquem ex Fratribus dicti Conventus in Præfectum, & Custodem dictæ Bibliothecæ pro suo arbitrio deputan. & constituen. illumque toties quoties ei placuerit, amovendi, & variandi facultatem eidem auctoritate, & tenore concedimus.

Contrariis derogat.

§. 3. Non obstantibus constitutionibus, & ordinationibus Apostolicis, ac Ordinis, & Conventus prædictorum, etiam juramento, confirmatione Apostolica, vel alia quavis firmitate roboratis statutis, & consuetudinibus, cæterisque contrariis quibuscumque.

Volumus autem quod præsentis prohibitionis copia in valvis dictæ Bibliothecæ, vel aliquo alio

conspicuo loco, undè ab omnibus legi possit, continuo affixa remaneat.

Datum Romæ apud S. Mariam Majorem sub Annulo Piscatoris, die 2. Octob. 1657: Pontificatus Nostri Anno Tertio.

Dat. P. An. 3. die 2. Oct.

Concedit Indulgentiam plenariam omnibus personis tam Regularibus, quam Secularibus quæ per octiduum vacabunt exercitiis spiritualibus in Domibus Societatis Jesu.

XLII.

Consimilem Indulgentiam concessit pro Fratribus Regularis observantia S. Francisci, ac Reformat. Const. 65. Cum sicut &c. infra.

ALEXANDER PAPA VII.

Ad perpetuam rei memoriam.

Edita An. D. 1657.

Supplicatio.

Cum sicut Nobis nuper exponi fecit dilectus Goswinus Nickel Præpositus Societatis Jesu personæ ejusdem Societatis quotannis, & plerumque plurimæ aliæ sive Ecclesiasticæ, & aliorum Ordinum, & Congregationum Regularium, sive laicæ exercitiis spiritualibus à S. Ignatio dictæ Societatis Fundatore institutis in domibus ejusdem Societatis per octiduum vacare consueverint.

§. 1. Nos, qui probè scimus quantopere conducant exercitia hujusmodi dirigendis in viam Domini, & confirmandis in illa Christifidelium mentibus devotionem eorum, qui operi adeo pio, & salutari vacaverint, cœlestium Ecclesiæ thesaurorum elargitione magis incitare volentes, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi omnibus, & singulis Christifidelibus tam prædictæ Societatis, aut cujuscumque alterius Ordinis, & Congregationis Regularibus, quam aliis quibuslibet Ecclesiasticis, & laicis qui in domibus memoratæ Societatis exercitia prædicta juxta laudabilem ejusdem Societatis consuetudinem per octidui spatium quandocumque peregerint, & interea temporis verè pœnitentes, & confessi Sacrosanctum Eucharistiæ Sacramentum sumpserint, quoties id egerint, plenariam omnium peccatorum suorum indulgentiam, & remissionem misericorditer in Domino concedimus.

§. 2. Præsentibus in perpetuum valituris. Volumus autem quod si pro impetratione, præsentatione, & admisione, seu publicatione præsentium aliquid vel minimum detur, aut spontè oblatum recipiatur, eadem præsentibus nullæ sint eo ipso: quodque earumdem præsentium transumptis etiam impressis, manu Notarii publici, vel Secretarii dictæ Societatis subscriptis, & sigillo personæ in dignitate Ecclesiastica constitutæ, vel Præpositi Generalis Societatis prædictæ munitis eadem prorsus fides adhibeatur, quæ præsentibus ipsis adhiberetur si forent exhibitæ, vel ostensæ.

Transumptis credi jubet.

Datum in Arce Gandulphi Albanen. Diec. sub Annulo Piscatoris die 12. Octobris 1657. Pont. Nostri Anno tertio.

D. P. An. 3. die 4. Octob.

Declaratio quod Cistercienses absque scrupulo conscientia possint vesci carnibus intra, & extra septa Monasterii, cum non sit de substantia Regulæ.

XLIII.

ALEXANDER PAPA VII.

Ad futuram rei memoriam.

Edita An. D. 1657.

IN supremi Apostolatus fastigio meritis licet imparibus Divina dispositione constituti, ad

Exordium.

ea quibus Christifidelium sub suavi Religionis jugo vota sua Deo reddere satagentium quieti, & conscientiae securitati consulitur propensis studiis intendimus, ac desuper creditae Nobis caelitus dispensationis partes interponimus, prout in Domino conspicimus salubriter expedire.

§. 1. Cum itaque sicut dilectus filius Procurator Generalis Ord. Cisterciens. Nobis nuper exponi fecit, licet dudum fel. rec. Sixtus Papa IV. Praedecessor Noster per suas anno Incarnationis Dominicae 1475. Idibus Decembris sub plumbo expeditas Literas abstinentiam à Carnibus de substantialibus Regulae quam Monachi Ord. hujusmodi profitentur, non esse declaraverit, & Capitulo Generali, illoque cessante Abbati pro tempore existenti Monasterii Cistercii ejusdem Ord. cum quibuscumque Abbatibus, Monachis, & Monialibus, ac aliis personis ipsius Ordinis tunc praesentibus, & futuris, secundum discretionis eorum arbitrium, & conscientiae judicium (super quo eorum conscientias oneravit) quodcumque, & quotiescumque necesse eis, seu alteri ipsorum videretur, per se vel alios dispensandi, ac eis licentiam concedendi, quod carnis etiam extra Monasteriorum septa in quibuscumque locis, absque alicujus poenae incurso, aut conscientiae scrupulo vesci, & uti possent, plenam, & liberam facultatem, licentiam, potestatem, & auctoritatem concesserit, & indulerit, Capitulumque generale d. Ord. de Anno 1481. celebratum in vim, & executionem Indulti hujusmodi in omnibus Monasteriis ejusdem Ordinis generaliter esum carnis permiserit, ac certis diebus ad servandam uniformitatem cum omnibus Religiosis ipsius Ordinis dispensaverit: recol. quoque mem. Alexander PP. VI. etiam Praedecessor Noster per suas pariter sub plumbo Anno Incarnationis Dominicae 1498. octavo Idus Novembris expeditas Literas Cisterciensibus Reformatis Hispaniae, ut carnis juxta ordinationem per Abbatem Cistercii, & Capitulum generale Ordinis hujusmodi factam liberè, & licitè, & absque aliquo conscientiae scrupulo vesci valerent, similiter concesserit, totusque Ordo praedictus ubique diffusus in tali usu, & consuetudine à centum septuaginta sex, vel circiter annis citra existat: quidam nihilominus Monachi memorati Ordinis in Gallia, abstinentes nuncupati super hoc puncto Regulae sufficienter per praemissa dispensatum non esse, nec generalem usum hujusmodi modo supradicto introductum licitum esse contententes, multorum, qui strictiorem Observantiam, excepta sola à carnis abstinentia, sicut praemittitur relaxata juxta definitionem ultimi Capituli generalis Cistercii de anno 1651. celebrari profitentur, conscientias turbent, indeque dissensiones, contentiones, & lites non sine maximo Religionis dampno oriantur, & oriturae timeantur. Nobis propterea idem Procurator Generalis humiliter supplicari fecit, ut in praemissis opportunè providere, & ut infra indulgere de benignitate Apost. dignaremur.

Absolvit
Oratorem à
censuris.

§. 2. Nos igitur ipsum Procuratorem Generalem specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis si quibus quomodolibet innodatus existit ad effectum praesentium dumtaxat consequen. harum serie absolven. & absolutum fore censentes hujusmodi supplicationibus inclinati de Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium Praepositorum, qui rem sapientius considerarunt, matureque discusserunt, consilio, Monachis Cisterciensibus praedictis tanta conscientia licuisse, & licere uti dispensatione praenarrata super esu carnis per Capitulum generale Ordinis hujusmodi Apostolica au-

thoritate concessa, ac diuturna consuetudine comprobata auctoritate Apostolica tenore praesentium declaramus, eandemque ad tranquillandas conscientias, scrupulosque sedandos benignè approbamus, & quatenus opus sit denuo concedimus, & indulgemus.

§. 3. Non obstantibus in contrarium deductis, ac Constitutionibus, & Ordinationibus Apostolicis, necnon d. Ordinis, ejusque Monasteriorum, & aliis quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plenè, & sufficienter expressis habentes, illis alias in suo robore permanens hac vice dumtaxat specialiter, & expressè derogamus, ceterisque contrariis quibuscumque.

Contrariis
derogat.

Datum Romae apud S. Mariam Majorem sub Annulo Piscatoris die 10. Novemb. 1657. Pontificatus nostri Anno tertio.

Dat. P. An.
3. die 10. Nov.

Ad Archiepiscopos, & Episcopos Poloniae, & Lituaniae, ut congregent Synodos pro reparatione Divini cultus.

XLIV.

Synodus semel liberè acta, nusquam retrahatur, & ab ea deviantes damnati censentur, Gelasius I. Constit. 1. §. 17. tom. 1.

ALEXANDER PAPA VII.

Edita An. D.
1657.

Venerabiles Fratres, salutem, & Apostolicam benedictionem.

Gravis, & luculentis temporibus clarissimarum gentium vestrarum, quae Catholicae Religionis studio, & generoso peccatorum objectu Republicae Christianae adversus immanes infensissimorum hostium vires jamdiu praesidio, ac propugnaculo sunt, ex animo prorsus indoluimus; & qua precibus ad Deum, qua paternis curis omnibus auxilium, & opem ferre, quantum fieri potuit, profectò curavimus.

Exordium.

§. 1. Nunc saevum illum turbinem, licet percussis, & labefactatis, stantibus tamen rebus concessisse plurimum sanè gavisi sumus; tamque insignis beneficii auctori misericordiarum Patri Deo laudes, & grates etiam publicè egimus. Sed ingenti gaudio, quo mens Nostra completur, magnus laetitiae cumulus accedit ex concordii zelo, & constanti virtute Fraternitatum Vestrarum, quae, uti Nobis Venerab. Frater Episcopus Laudensis Nuntius Apostolicus non semel retulit, in tantis procellarum fluctibus vel sustinendis, vel etiam sedandis, insigniter enituit.

§. 2. Quare agite, Venerab. Fratres, pergitte laboranti adhuc Patriae tam necessario tempore subvenire; etenim quo tanta clades majorem calamitatem rebus omnibus intulerunt, eo magis vobis enitendum est, ut Catholicae Religionis rationes, Ecclesiarum jura, & morum disciplinam pro virili sustentetis, ac restituantis; quod equidem, benediciente Domino, & piissimo Rege, cui sanè instamus, favente, futurum credimus, si in eam rem toto ex corde, & omnibus Pastoralis sollicitudinis officiis serio incuberitis.

§. 3. Cum autem Episcopi munus omne duobus illis Visitationum, & Synodorum capitibus vel praecipuè contineatur, ad haec potissimum studiosè, & accuratè peragenda Fraternitates Vestras summopere hortamur. Quam amantibus,

quam